



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

Promoemivm.

urn:nbn:de:hbz:466:1-13517

TRACTATUS XVI.

Gaudete in Domino semper, iterum dico gaudete: & pax Dei quæ exsuperat omnem sensum, custodiat corda vestra & intelligentias vestras in Christo Iesu Domino nostro. *ad Philip. 4.*

Synopsis omnium præcedentium Tractatum seu demonstrativa deductio, & connexio totius argumenti.

PRO O E M I V M.

Enī hic demum fuit, & scopus, ad quem totus hic ratiocinationum decursus collimauit, Gaudium ab Apostolo tam magnifice commendatum vobis ob oculos ponere, artemque expondere, quā certō, facili tamen illud negotio consequamur. Non enim totam diuinæ Prudentiæ seriem vobis clarè & fusè explicare, fuit animus: illud tantum attingendum arbitrabar, quod videbatur sufficere, ad excitandam ingentem planè de Diuinis decretis opinionem: quā ritè conceptā, proclive videbam fore vnicuique voluntatem suam tantæ Menti, in omnibus quæ eueniunt, exactissimè conformatre. Vnde tandem existet verum gaudium, & lætitia, siue quies mentis, quā dabitur syncerè frui, medias inter procellas, & turbines huius mundi constitutis. Quod an apud vos consecutus sim, sanè ignoro: illud tamen scio, neque mihi voluntatem rectè cogitationes meas exponendi, neque vobis studium percipiendi, attentionemque defuisse.

Istud opera pretium futurum arbitror, si non singula quidem retulero, sed artem totam procurandi Gaudij, tantâ rem faragine fortasse implicatam, aut certè non tam clarè expeditam, diluci-

dilucidè quasi per epitomen, uno velut aspectu contemplandam proposuero. Totum orationis filum retexendo, manifestum faciemus artificium; illudque fiet euidens, omnia vnicō tantum, eoque firmissimo argumento suis superstructa. Itaque veritates solas, quarum rationes fusè exposui, meditabundus percurram; & euellam radicitus, vti spero, quas haec tenus habui peruersas de rebus opiniones, vnicam ferè perturbationum omnium, quæ me vndique iactarunt, originem & fundamentum.

INTRODUCTIO.

1. **D**ate mihi hanc veniam, Auditores, vt mutata paululum dīcendi ratione, non tam ad vos, vti fieri assolet, tota dirigatur oratio, quād ad me ipsum. Sinite me mecum agere res meas, & cogitationibus meis meditabundum interesse. Omnia enim quæ circa me sunt, cūm plena tumultibus esse audiam, egredi sanè domo meā non ausim; ne perturbationibus, quibus totus, quantus est, mundus inuolui dicitur, incautus implicer, & abripiar. Domi itaque meæ me contineo, cogitationes omnes intra me retraho; visurus porrò an quietem, tranquillitatemque, quam solam verum gaudium esse scio, quamque foris inuenire non est vbi perturbantur omnia, intra mentis meæ terminos non detur reperire. Sanè Gaudium vult Seneca, cuique domi sūz nasci. Agite igitur, totamque cogitationum mearum sēriem, attentā vos mente sequimini: Quietem animi in hoc rerum tam perturbatarum labyrinthe si reperero, filum habebitis, quo vos ex omnibus rerum vicissitudinibus facile extricabitis; quietemque animi, ad quam omnes suspirant, quamque consequuntur pauci, tandem dabitur obtainere. Hāc mihi per humanitatem vestram datā veniā, ad quietem me compono, & rationes meas mecum sic instituo.

TRACTATVS I.

2. **N**emo ferè ullus est qui non afferat, imo & conqueratur, orbem vniuersum plenum esse molestiis, difficultibus plenum. Et quidem inducor facile, vt id ita esse credam, tam multi cūm sint, qui id affirment viri omni exceptione maiores, & ve-

*In animo
quærenda
est quies,
non verd
extra se.*

*Tumulti-
bus & mo-
lestiis ple-
nus dicitur
esse mundus,
rō*